

司馬文正公集



10145

司馬文正公集卷之五十一

平陽徐

昆山人

涂水喬

傑漢三重詩

五言律詩

獲澤張

鉞心鑑

陪致政開府太師留守相公致政內翰燕集輒歌盛

美爲三分壽皆用公字爲韻

獨佐成康世高年有畢公神心降維嶽龜兆告非熊黃閣

遵成範太常書茂功歸來保眉壽恩禮享優隆

右太師

東閣延髦士西都守別宮不忘如衛武難老似僖公位貌

今雖遠官僚舊忝同開懷盡卮酒足以厚時風

右相公

司馬文正公集

卷五十一

律詩

一

眉似高僧秀顏如童子紅忠純汲長孺高潔夏黃公矯矯

遼東鶴冥冥塞北鴻自誇新酒量像想百分空

右內翰

復用三公燕集韻酬子酸堯天

官閑虛室白粟飽太倉紅朝夕掃三徑往來從二公兼葭

徒倚玉燕雀豈知鴻相過輒同醉惟愁尊酒空

和堯夫見寄二首

志趣苦難合俚俚何所依逢君始相照知我信爲稀忽報

除書下徒瞻征蓋飛相思千里遠洛浦又春歸

仁政如慈父蒲人得所依教條前後接風迹古今稀試郡
纔書最還朝必奮飛西臺舊班列猶望繡衣歸

春日思景仁

去歲洛城中嬉遊處處同從離嶠嶺北常夢灑泉東草遶
春街碧花繁夕市紅臨風默惆悵想像白眉翁

自嘲

盤飧羅新蔬充腹不求餘窮巷晝扃戶閑軒卧讀書有心
齊塞馬無意羨川魚世道方邀逐如君術已疎

送峽州陳廉祕丞三首

司馬文正公集

卷五十一 律詩

二

宜都賢太守治迹古人齊虎負衆子去鳳環群鳥棲行增
穎川鉄別降武都泥正恐還朝速春林未子規

二

郡府猿聲外旌旗鳥道邊樓高出楚塞煙霽識巴船襦袴
嗟來暮簪紳惜外遷皇仁矜遠俗非謂意疎賢

三

地險三巴口江流百折蟠騶珂通峽響門戟照秋寒翠壁
虎牙石素花狼尾灘孫劉置柵虎細爲寫圖看

送吳辨叔大名司戸二首

元宰司宮鑰旌旄壓大河敢言趨府倦私歎折腰多機發
何妨避光塵未免和艱難方遠到慶閱肯蹉跎

三

致遠必自近如君豈掾曹魚龍試春浪松栝露秋毫錯落
辭華富壑砭氣節高垂天起膚寸無歎走塵勞

送楊太祝忱知長洲縣

三吳佳縣首民物舊熙熙專用清談治非如俗吏爲林疎
丹橘迥稻熟白芒歆宜使民無忘嚴修太伯祠

送韓太祝紳知錢塘

司馬文正公集

卷五十一 律詩

三

冠佩鬱相映繇來積德家一時推雋異四海走聲華圖籍
添舟重江山忘路賒夷塗指霄漢踟躕不須嗟

送趙書記衆之官華州

車馬西城外遙遙未有塵辭梁猶帶雪過洛漸生春幕府
斜依嶽關山曲抱秦曩來謨畫拙不必笑前人

送華亭沈主簿

執袂青門道蕭蕭馬欲東暮雲零落翠遠樹淺深紅楚澤
吟聲裏吳山醉眼中想思杳何許野鶴唳高風

送鄭推官戡赴邠州三首

形便邠公國旌旗擁將壇秦雲低落日塞樹怯春寒草檄
無留思投壺不廢歡還應笑黃卷寂寂守儒官

二

百榼行春樂千弓從獵豪苦吟邊月冷飛鏹野風高奇策
鞭殊俗長纓繫不毛輪君躍馬貴一等著青袍

三

驕虜已歸計聖朝方寢兵時間候火入非復塞塵驚秋嶺
無南牧春田恣比耕休窮西海路辛苦學甘英

司馬文正公集

卷五十一

律詩

四

送何萬下第歸蜀二首

一

十上終無就才高定復論清時守儒術白首在丘園遠樹
隱殘日孤煙生暮村揚鞭萬里去幾許不消寬

二

失意流年老殘春對夕陽可堪臨遠道更復舉離觴花柳
已蕭索雲山復渺茫西風如有意音信勿相忘

送王殿丞

景陽

知眉山縣二首

先公與祕閣府君相繼爲利州路轉運使

子與眉山

同年登第

疇昔侍嚴親俱爲綵服人遊蘭已多益得桂復同春風樹
悲驩異萍波聚散頻峽中盡遺事何處不霑巾

二

君行杳何許萬里蜀雲西野色春期近林煙曉意迷天藏
巴峽小星逗劒關低莫使鄉愁亂咬咬信子規

送馮狀元

京

歸鄂州

夙昔習高節琅然爲衆殊下韞連得雋出手盡成盧喜氣
兼鄰曲榮名溢道塗風雲俱動色非復舊江湖

司馬文正公集

卷五十一

律詩

五

送僧聰歸蜀

翠栢老精舍紅塵倦帝城千山一錫遠萬里片雲輕江棧
紆還直天星縱復橫聽猿應更喜還是故鄉聲

送吏館任祠部

顯

河東轉運使

間望簪紳舊恩華雨露重圖書周內史汾澮晉全封秀發
千尋壁寒生百鍊鋒歸時門有戟惜別更從容

送張寺丞

覲

知富順監

漢家五尺道置吏撫南夷欲使文翁教兼令孟獲知盤羞
蜀將實歌雜竹枝辭取酒須勤醉鄉關不可思

送二同年使北

華纓下玉除天子寵匈奴雖復夷風陋猶知漢使殊夜烽
沉不舉秋柝寂無虞何必燕然刻蒼生肝腦塗

右呂濟叔

雲愁雪欲零四牡出郊坰古塞煙華紫寒沙日氣青金門
秘玉樹朱節耀龍庭幾夜天街北遙占漢使星

右李公素

送王校理

擇字公和

守瑯琊

沂公兄子為公後

金門倦鳴玉千騎出東方封略依滄海枌榆近故鄉秦碑
苔蝕字邨稻日翻芒國吏遙應識當年丞相郎

送龔章判官之衛州

新及第

司馬文正公集

卷五十一

律詩

六

几硯昔年遊於今成十秋松堅終發石魚變卽辭流近郡
無飛檄清時不借籌淇園春竹美軍宴日推牛

送王瓘

字文玉

同年河南府司錄

先君嘗為此官

綵服昔爲兒隨親宦洛師至今餘夢想常記舊遊嬉佐使
頭應白書樓樹已欹聞君行有日使我淚交頤

送王彥臣

字伯逢

同年通判亳州

先朝御六飛親謁瀨鄉祠牛酒當時惠衣冠此日思仙蹤
丹有竈天瑞檜生枝聖主憐耆舊題輿得吏師

送聶之美任雞澤令

趙魏高氣俠到今風俗然椎埋吏難禁擊斷世稱賢明府
宜更瑟罷民庶息肩無如繭絲者急歛縱敲鞭

送計先輩 秦符 尉宗城

紅塵久帝城高價動公卿竹柏寒方茂驕騶老更成冰霜
驅馬瘦書劍束裝輕丞相虛東閣遙知倒屣迎

送趙殿丞 象字 歸成都 祀明堂禮畢子輿新升朝以
子輿 恩官其父大理評事賜告歸

寧得其除書以俱二三同舍
為詩以紀其美僕得回字

蜀棧錦衣來高堂綬笥開恩輝同日至喜色共春回駟馬
過鄰社朝裾捧壽杯吾生無此樂空使寸心推

司馬文正公集 卷五十一 律詩 七

送張都官 肅字 江南東路提刑 得前字

楚俗號難治司刑尤擇賢危疑片言決舒慘一方專松不
彫寒色絲曾斷直絃清風過江外應在下車前

送王殿丞 恪 西京簽判

清白世風存王公復有孫挺生如玉樹不竭似淮源日背
嵩峯紫春添洛水喧幕中多勝友肯使負芳樽

送謝都官 顥 知光化軍

廐吏整車馬忽忽辨曉裝青綈出閭闔朱旆指滄浪野店

杏初發津亭柳已黃行行不可駐猶及勸耕桑

送劉觀察從廣知洛州

漢家英俊士袞袞出金章久襲通侯籍新腰太守章畛封
連故趙廬井帶清漳春色迎鏡吹應忘道路長

送師道知長溪因歸覲省

羈旅帝城久逢人青眼稀聞君又當去使我益思歸佳色
鄰鄉樹高堂望綵衣春流先自疾心出片帆飛

送李祠部復圭字知滑州

東郡隄繇苦曷來煙火踈提封百里遠生齒萬家餘賢守
車纜下疲人意已紆行聞譖五袴京廬滿郊墟

司馬文正公集

卷五十一 律詩

八

送田校理諒字仲孚知晋州前判吏部南曹

銓筦萃賢豪夫君主劇曹長才沛餘俗衆論蔚推高逮此
分符貴知無頓刃勞公卿如有缺不獨賜金褒

送人爲閩宰

萬里東甌外溪山秀出群鄉人皆嗜學太守復工文政用
慈良化居無牒訴紛誰云遠京國佳政日相聞

送李才元知廣安軍歸成都覲省

皂蓋五驂騶今來異昔遊篋壺交里舍鏡吹下瀛州壽酒
行當舉歸鞭不可留春光久相待先在錦江頭

送上雒王推官

經臣

墨綬百里宰紅蕖幕府僚民淳無闕辨地勝得逍遙日上
雲來散春深雪不消知音已交薦勿茹紫芝苗

送瀛州簽判蘇祕丞

案

高陽十萬兵幕府藉時英塞上風猶勁關南春未生投壺
邊柝靜倚馬檄書成不忘塵中客征鴻可寄聲

送王待制知陝府二首

疇昔誠相契間關分不渝

先君知鳳翔府待制通判府事以道誼相知非直僚友而已

絕絃悲宿草撫首念諸孤位略尊榮間年忘德齒殊清陰

司馬文正公集

卷五十一 律詩

九

容息足重吾辱噓枯

待制主漕京西光仕武成幕府仍叨獎引

二

鷗閣騫雲表虹旌拂海隅明光新出綽陝陌重分符豐潤
還桑梓謹謳復路衢寧瀕更條教耆舊已篋壺

待制再爲陝收光寔

人 陝

送張景淳知邵武軍

閩嶺杳何在東南千里遙化離傷草草會合更迢迢隋岸
微吹絮吳江欲上潮肯無同舍念回首弭輕橈

送章伯鎮知湖州

江外饒佳郡吳興天下稀
葦蕖紫絲滑鱸膾雪花肥
星斗寒相照煙波碧四圍
柳侯還作牧草樹轉清輝

送王伯初通判婺州

煜爚屏星駕迢遙婺女區
嵐光晴向背溪溜暖縈紆
萬室鳴機杼千艘隘船艫
若逢耆舊問能說隱侯無

送昭遠兄歸陝

種種親頭白帝城難少留
荷門應有望列鼎本無求
清夜多歸夢紅塵厭久遊
此行殊捧檄轅下五驂騮

送雲卿知衛州

司馬文正公集

卷五十一 律詩

十

汗簡成新令褰帷刺劇州
韋平家法在邵杜治聲優
野竹交淇水秋瓜蔓帝丘
三年歸奉計肯顧石渠遊

送石昌言知宿州

焯焯符離守中流簇鼓旂
柳陰濃不斷舟勢激如飛
魏闕行歸奏承明祗覽違
星軺晨夜度尺素勿令稀

送何濟川知漢州二首

金馬從容樂問君何所之
客心影若梗親髮髯如絲
舊學已孤陋素交仍別離
執經時有問使我復從誰

千騎擁朱轡青霞晝繡還復尋題柱迹重過棄繻關曉棧
流雲濕秋湖脫葉殷久遊今得意真不愧江山

送程端明截知成都

高陽將幕開濯錦使旌來欲識關頭雪正如江上梅青衣
矜遠俗露冕奇良才豈待三年最脩梧茂帝臺

送聶祕丞之美宰桐城二首

聶子青雲器胡爲不少留未能充祿養安敢及身謀羨爾
千人俊居然百里優連城價終在自是玉工羞

司馬文正公集

卷五十一 律詩

十一

二

數載一相值恍然如路衢形骸漸枯槁志業轉荒蕪舊事
雲過眼新悲雪染鬚明朝又分首上馬卽重湖

送蒲中舍霖致政歸蜀前栗亭令二首

一

雖苦折腰久飄然黃鶴飛田園未蕪沒鄰曲有光輝昔奮
儒衣去今紆朝紱歸人生貴知足待此已爲稀

二

念昔兩髦且烏奴同燕遊隨晴自有樂何物可爲愁昔意

今頭白相逢欲涕流憑君訪題壁好在水西樓憶先君爲利州路轉

運使與君屢遊烏奴山寺題名屋壁

送元待制終字厚之出牧福唐

甌越東南美田肥果稼饒况懷新賜綬重過舊題橋食足

姦回熄風移獄犴銷長才報政速鈴閣日逍遙

送吳駕部處厚知真州

鄉託屏星駕同隨丞相車終朝容嫩拙經歲庇迺踈共此

趨雲闕旋聞建隼旗江淮一都會遊刃必多餘

送王著作慥西京簽判

司馬文正公集 卷五十一 律詩

十一

古來都邑美孰與雒陽先况復元侯貴兼之從事賢决離

橫闕塞珠曲逗伊川熨眼登臨樂送君空惘然

郭氏園送張仲通出刺棣州得朝字

名園送嘉客冠蓋去傾朝小雨塵微歛餘寒酒易消鴈歸

春近塞日上海生湖北道平如掌東風五馬驕

送裴中舍士傑赴大原幕府

元戎台鼎舊大府節旄新邊候正無事賓進况得人山寒

大行曉水碧晉祠春齋釀蒲萄熟飛觴不厭頻

送宋即中知鳳翔府

昔辭陳倉印於今二十秋雙鳧久東上五馬重西遊驍騎
行關外壺漿擁道周民心已化服條教不更修

送王都官

淑字
元之官滿還都

粹美清廟器可嗟沉下僚優游仲舉坐洋溢海沂誼奏課
應居首知音况滿朝從今黃鵠舉眼令望青霄

送昌言舍人得告還蜀三首

迢遞銅梁道凝嚴青瑣闈負書當日去鳴玉此時歸鄉樹
迎朱轂江花照錦衣臨邛不足並榮耀古今稀

二

司馬文正公集

卷五十一

律詩

三

悽愴懷桑梓劬勞詠蓼莪樹風今遠矣鼎食奈悲何劔閣
登車近秦關屈指過騰裝纔首路夕夢已江沱

三

富貴動歸思繇來光里閭戒門羞主父負弩笑相如外物
有榮悴中心無戚踈遙知見親舊不改布衣初

送張學士

師中字
吉老

兩浙提點刑獄

賦得
清字

羽家重典刑書府借時英鉦鼓喧江下雲山拂眼清秋風
鱸膾美晝日錦衣榮勿似朱翁子空令守邸驚

送王書記

中字
應辰

之官永興

白髮添新鬢紅塵滿弊衣人生適未值吾道豈云非
輦洛風煙遠函秦草樹微長安春酒美行樂勿令希

送朱職方處仁字表臣提舉江淮運鹽

熬漉滄波耗征輸澤國貧嬰羅矜赤子運筴借能臣拜手
觚稜晚浮舟浪蕩春東南待蘇息別酒莫逡巡

送次道知太平州

浪蕩春流滿蕪湖候吏迎旌旗曉日麗鉦鼓野風清斲喜
紅塵遠休嗟素髮生專城方四十自古以為榮

送蘇屯田案字公佐知單州蘇先君嘗知單父縣

司馬文正公集 卷五十一 律詩 古

佳郡望都城相聞擊柝聲賓朋纔執別耆舊已前迎綵服
當年戲驪駒此日榮絃歌應盡在琴調不須更

送李學士及之字公遠使北

征蓋霜空迥飄飄迎塞鴻虜牙侵海角漢節下天中酒薄
陰山雪裘寒易水風邊聲不可聽歸思浩無窮

送薛水部十丈通判并州

十萬貔貅士旌旗晉水陽元戎倚耆碩別乘選才良秀直
寒松節精明利劒銜知君留滯久從此欲騰驥

送賢良陳著作舜俞簽書壽州判官

海隅方萬里豪雋幾何人百汰求才盡三薰得士新聲華
四方聳器業一朝伸佗日蒼生望非徒澤壽春

送魏寺丞廣赴辟秦州判官

征西大府開後乘得高才區脫烽煙靜渠搜職貢來隴雲
低玉帳羌服奉金壘信美從軍樂脩梧茂帝臺

送丁正臣知蔡州

趨趨汝水濱千騎擁朱輪懸瓠遺基古盤囊吉夢新丹心
留紫闥清耳遠紅塵須識明君意先應試治民

送周密學沉字真定安撫使

司馬文正公集子真卷五十一律詩五

玉帳前茅舉銅魚左契分平生公望著期月政聲聞陌上
壺漿溢潭邊花氣曛遙知待新將民物兩欣欣

送燕諫議知潭州

長沙地饒美賈誼獨傷悲自古臨榮辱幾人無怨咨使君
擁符節火艦出江湄意氣陶然樂應無弔屈辭

送李益之侍郎致政歸廬山二首益之好談禪故效其語

一
儒業金華貴歸心白鶴孤江山依舊在軒冕歸來無嘯詠
誰當共登臨未索扶浩然知此樂迥與世人殊

二
水底元無月衣中自有珠六塵皆外物萬法盡迷塗瀑布
寒雲濕觚稜瑞氣扶遙知至樂地不異在京都

送惠思歸錢塘

孤岫平湖外禪房老柏陰倦遊諳濁世獨往遂初心夜雨
燈窻迥秋苔屐齒深勿鉏山徑草便有俗人尋

送僧歸吳

高枕聊成夢晴空忽見花浮生盡是客何處得爲家族食
帝城久歸舟澤國賒勿因菰菜味回首浩無涯

司馬文正公集

卷五十一

律詩

去

送晁祕丞

端

通判雄州

少傳名德重蔚然人物師郡孫滿丹穴嘉瑞盡長離勿嘆
毛羽短已驚文采奇勉哉勤志業餘慶未應衰

送向防禦

經

知陳州

千騎去翩翩專城尚少年韋平家好道陰馬世稱賢官用
才能進恩非雨露偏想聞河澗遠封豨帝畿連

泉水詩送吳都官

太元家
一翁

分司歸知州

泉水出幽谷原流本自清縈回徧中國浩蕩入東瀛峽口
春雷怒潭心曉鑑平悠悠隨所直行止兩無情

依前韻奉送才元和甫使北

析木帶天津華星隨去人揚矜踰絕漠負弩候前塵出塞
風霜苦歸塗楊柳春會書專對美燼燼滿秋筠

送丁正臣通判復州

得失故有命世人空自勞冬温少霜雪松短没蓬蒿孤宦
千里遠榮名一旦高回看碌碌者太華與秋毫

送吳仲庶知江寧

江南佳麗地人物自風流青骨靈祠在黃旗王氣收衣冠
餘舊俗歌頌樂賢侯正恐還朝速江山未徧遊

司馬文正公集

卷五十一

律詩

七

送羅即中

登

管勾玉局觀

官名爲玉局已與俗塵踈鍾出寒松迥香凝古殿虛鄉閭
非甚遠俸祿豈無餘誰道神仙樂神仙恐不如

送劉仲通赴京師

聖朝方考收蕃育寄才能屢別良可嘆閑遊不復曾行塵
遵洛汭朝騎對觚稜纏上秋臺迥歸來正好登

送堯中知河中府二首

耆老承風舊絲綸錫命新展禽安屢黜原憲樂常貧執志
窮通壹論交表裏真但祈深自重膏澤望斯民

河抱城根曲山侵地勢斜周餘古樓觀舜俗舊人家回首
遊從闊裝懷牒訴譁何時重載酒同醉洛陽花

送雷章祕丞知芮城

西伯昔斷訟今名存迄今南臨大河曲北倚首陽岑俗被
聖賢化人多禮讓心夫君老經術終日想鳴琴

送周寺丞

知洛南

周華人

太華指商於中間百里餘稍行山驛遠漸與世塵踈楚塞
參差接秦民錯雜居惜哉非縻肯不足試投虛

司馬文正公集

卷五十一

律詩

六

答陳進士謂之憶江東舊遊見贈

客路今東去亭臯木葉飛居然不堪恨况與賞心違頤渚
煙波闊長洲草樹微江邊好春色行望錦標歸

寄聶之美

之美時監
韶州錢監

去歲雙毛白今春一齒零人生浮似葉客宦泛如萍塞上
貂裘敝天涯海氣腥何當占箕穎蕭散並柴扃

喜張聖民得登州

盡日少閑暇中宵夢亦勞符移空浩浩榜楚鎮警警敢說

今求郡黻思昔坐曹羨君乘五馬東去一何高

早春寄東郡舊同僚

樓臺帶餘雪寒色未全收
久負入關意空爲同舍羞
清樽接勝友飛蓋從賢侯
應恨春來晚煙林已數遊

司馬文正公集

卷五十一 律詩

十九

司馬文正公集卷之五十二 平陽徐 昆后山

涂水喬人傑漢三重訂

七言律詩

濩澤張 鉉心鐫

御製後苑賞花釣魚奉聖旨次韻

馭筭

音徹瑣漢殿名

蜚廉次第開鳴鞘

音稍鞭也

傳蹕自天來雲隨綵

仗低臨幄柳壓金隄翠入杯檻倚柔風絲縹渺花飜麗日

影徘徊上林春色長如舊玉輦嬉遊歲歲陪

和宋次道大慶殿上元迎駕

鳳律年華到尚新九重氣象已成春曉雲低拂羽林仗宿

司馬文正公集

卷五十二律詩

一

雨先清紫陌塵玉殿鳴鞘傳警蹕彤庭委珮集簪紳闕前

無復魚龍戲自有驩謠億萬人

寒食御筵口號二首

雨意沉沉潑火餘夔龍盛集退朝初酒殺絡繹來丹禁冠

劍參差下玉除紫鳳歸飛雲爛熳黃鸝新轉柳扶疎麥禾

滿野邊烽息佳節何妨賦樂胥

二

聖主衷優鼎軸臣金觴玉醴照青春萬家烟火朝來靜九

陌風光雨後新高鸞飛驚紫綬餘花點綴託朱輪問牛

因得觀民俗不獨嬉遊惜令辰

次韻和王勝之十二月十五日朝退馬上作

瓦溝微白雪光清闕角初紅海日騰塵息長街千騎入鞞
鳴深殿六龍昇雲巖有客空回首圭華何人尚齒肱自笑
鰕生章綬縛不容逃去正如鬻

又和雪

四簷水管未全稀一夕陰風雪又飛客臥牛衣憂死別人
留玉塞望生歸公車歲晚憐東郭遼海雲深失令威頗憶
當年映書否物華如舊鬢毛非

司馬文正公集

卷五十二 律詩

二

和王粹道雪夜五宿

天祿凝嚴近紫臺書幃夜對雪華開層樓直倚寒空出清
漏還從深殿來薄夢不成冰柱折曉光先到玉花催栗園
終是諸侯事虛費相如能賦才

和范景仁夜讀試卷

案前官燭墮花頰滿目高文妙入神勇氣先登勢無敵巧
心後發語尤新好賢何啻三薰貴求寶方知百汰真愚魯
自非憑驥髮崑山千里到無因

冠蓋連翩數里塵帝家金箔上林春
鷓行不動烟霞秀龍角正高雷雨
新喜氣晴曛宮樹綠飛花醉墮玉
卮頻蒲荀盧橋應相識半是當年
舉酒人

是日在席
同年七人

和趙子興龍州吏隱堂

四望逶迤萬壘山微通雲棧落塵寰
誰知吏道自可隱未必仙家有此
閒酒熟何人能共醉詩成無事復
相關浮生適意卽爲樂安用腰金
鼎鼐間

寄題李舍人

偉

蒲中新齋

隴上家聲勇氣殊邊庭臥鼓欲安居
非同王翦私求宅更

司馬文正公集

卷五十二 律詩

三

似甘寧晚好書劍倚寒窗風淅瀝
門無雜客柳蕭疎蒲州風土平生
愛爲問旁鄰地有餘

寄題常州東山亭

謝傅英聲高可攀結茅積土想東山
常憂勝槩一朝盡豈信風流千古
還塵尾蒲葵供永日酒樽棋局奉
歡顏賢倅心迹遙相望不使蘭陵
風月閒

二

闕閣崔嵬動四方入門鸞鶴自成行
青綈舊已臨佳郡墨客新歸耀故
鄉醉舞幾應摧屐齒對棋正欲賭
香囊階庭

玉樹寒相照更使東山逸氣長

王金吾北園

丞相後園天籟鄰年年分借上林春目前但識禽魚樂門外何妨車馬塵花蘄祗疑名品盡圖書方驗古今貧將軍朝下無餘事端爲風烟作主人

九日懷聶之美

時余在河南聶在陳州

錢塘江裏扁舟上別後籬花幾度黃憂慮縈心何繚繞風光滿目盡淒涼誰同鑿落盃中酒獨繫茱萸肘後囊可復無書道情素雲間空有鴈南翔

司馬文正公集

卷五十二律詩

四

二

太室橫山蔽十里相思空復上高臺瓮頭白酒行當熟籬下黃花稍復開陶令不無同醉興孟君况有解嘲才欲憑西北高風勢飛度輟輟勸一盃

和陳殿丞芍藥

化工餘巧惜春殘更發濃芳繼牡丹檀點藏心殷勝纈異香迎鼻酷如蘭瓊樓窈窕仙家宅雲葉低垂醉裏冠

纈子樓子

兄子醉西施皆芍藥名品

自有殊功存藥錄不當獨取鄭詩看

弊車羸馬犯塵泥，愁到朱門徧徧辭。
相國舍人難驟見，將軍馬監豈相知。
因循歲月勞何補，顛倒風埃辱固宜。
惆悵東岡舊陂在，素心空負白雲期。

陪始平公燕柳谿

谿光不動柳風輕，玉帳森沉擁萬兵。
鷗入煙中閒自舞，魚翻波面喜相迎。
樓船下視晴天碧，鼓吹前驅遠陌清。
桃李歸時應盛發，薰然和氣滿春城。

和道矩送客汾西村杏花盛開置酒其下

田家繁杏壓枝紅，遠勝桃夭與李穠。
何事偏宜閒處植，無司馬文正公集

卷五十二 律詩

五

端復向別時，逢林間暫繫黃金勒。
花下聊飛碼碯鍾，會待重來醉嘉樹。
只愁風雨不相容。

從始平公城西大閱

滄溟浴日照春臺，組練光中玉帳開。
汾水騰凌金鼓震，西山宛轉旆旄迴。
逍遙靜散晴空雨，叱咤橫飛迥野雷。
坐鎮四夷真漢相，武侯空復道英才。

陪諸君北園樂飲

浩歌縱飲任天機，莫使歡娛與性違。
玉枕醉人從獨臥，金羈倦客聽先歸。
須知會府閒時少，况復邊城樂事稀。
花卉

正濃風日好今年已不負春暉

晨發放關寄逸吉

書戟衣中趨絳帳驛亭門外拂征鞍已嗟漂泊三年別更
負從容十日歡煖席未窮談笑樂陟岡相望滯畱難揚鞭
策馬幾多意原上秋風作曉寒

中秋夜始平公命與考校諸君置酒賦詩

月華秋色兩鮮新萬里澄空不受塵兔濯素毛騰浩露桂
飄香實下飛輪光侵酒面寒無力清入詩毫健有神坐客
何須辭醉倒相君應不惜重茵

司馬文正公集

卷五十二律詩

六

和錢學士

公輔字君倚

呈邵興宗

霜露蒼蒼宰樹高累茵列鼎重鴻毛蒹葭自幸猶依玉體
髀何能學秦刀才薄無繇裨覆燾命竒不得報劬勞
光仕始周
歲二親
繼喪
平生念此心先亂蓼蓼難分莪與蒿

次韻和冲卿中秋隴月

豈無錦幌翠簾垂匝樹明燈正赫曦共惜月華方滿夜更
當秋色中分時烏皮几穩風侵鬢白玉樓高冷透肌千里
浮雲何處斷北來試問鴈應知

和始平公郡齋偶書二首

文武從容兩有餘，公槐將幕往來居。已安四海如三傑，欲散千金比二疏。今日監邊親跪轂，佗年入殿賜乘車。武侯暫爲蒼生起，長憶隆中卧舊廬。

二

平安候火出雲門，區脫無塵刁斗閒。漢相威聲遙制敵，胡兵遠迹夜開關。赤松雅意思輕舉，黃閣羣心望復還。玉帳牙旗空壯觀，音貫謝公高興在東山。

春獵

小宛微寒春鴈飛，石關宮外草萋萋。漢家旌旆連圍合，秦司馬文正公集

卷五十二律詩

七

國山川入望，低花色纔臨。珠綴發柳陰，欲傍金隄齊。韓嫣承恩來視獸，飛塵遙出建章西。

二月三十日與同舍宴李氏園晚歸馬上賦歸字

門前蹀躞金羈滿，坐上連翩玉學飛。數尺遊絲畱客醉，一行垂柳送人歸。同邀勝友時難得，重到名園花已稀。莫惜芳辰賸行樂，無端風雨橫相違。

酬師道雪夜見寄

玉樹交橫雪後天，銀河沉著斗欄干。筆峰微結水絲澁，燈暈初成花燼殘。太學先生甌苦薄，公車倦客履仍單。欲吟

佳句到清曉夜寂愁聞金石寒

錢子高有徐浩詩碑石昌言借摹其文甫及數本石
有微懼而歸之子高答簡有碎珊瑚之戲昌言

以詩贈子高同舍皆和

司諫錢
彥遠

徐公精筆老生神石刻猶能妙奪真幾爲通書翻喪寶愈
令好事惜傳人鋒芒半折猶能健圭璧微瑕自足珍直使
盡隨如意碎石家玉樹未全貧

昌言家圖書
所收最多

和子淵除夜

緹室重飛玉瑄灰物華全與斗杓回依依殘臘無情別歷

司馬文正公集

卷五十二律詩

八

歷新春滿眼來強取酒卮浮翠柏懶開棕葉覓楊梅兒
努力平生志肯使功名落草萊

和子淵元夕

神嶽嵯峨闕角齊銀蟾無影玉繩低風傳絲管交加發燈
滉星河上下迷清醴橫飛金鑿落香塵不染錦鄣泥誰知
此夕齋祠客近在宮城槐柳西

答劉遵父謝龐公惠炭

東郭先生履半穿禦冬深愧玉人贖應憐道上雪欲積意
使爐中灰復然翹葉暗添寒酒力圖書共免濕薪煙茅齋

斗似饒光彩客至何憂臘後天

和沖卿喜雨偶成

萬里風隨快雨來塵昏消伏旱光開物情濯熱參差喜天
意爲仁容易廻簾映薄寒燈有暈應含虛白麝成煤君侯
雅有江湖興蕭灑何須氣象催

和吳省副

中復字仲庶

梅花半開招憑繇張司封飲

甫玉字公

達

帝鄉春色嶺頭梅高壓年華犯雪開正與嘉賓思共醉不
須芳物重相催從車貯酒傳呼出側弁簪花倒載迴風雨
司馬文正公集

卷五十二

律詩

九

難期王事劇未知休沐幾旬來

依韻和仲庶省壁畫山水

畫工執筆已心遊稍稍蘅皋引杜洲堆案煩文猶倦暑滿
軒新意忽驚秋天生賢者非無謂官遇明時未易休正恐
怒飛朝暮事丹青難得久淹留

始平公以光得免使北賜之以詩謹依韻酬和

皇華將命得人難專對非才輒自言幸免驅車涉沙漠尚
容載筆侍宣溫不唯羞屈穹廬膝無奈常遊魏闕魂袞職
區區未能補何時餘論奉清樽

和始平公貽一二賓僚

儒冠靄靄從平津東閣繇來盛衆賓終始何嘗忘教育高
卑曾不間疎親共陪樽俎無虛日空喜谿山得主人白雪
屢歌殊未和自知羞愧後車塵

和始平公長句寄漢川何學士

勢交倏忽易蕭條賴有伊人尚建標須信松筠凌雪茂肯
爲蒲柳望秋凋欽賢高館三年別廣漢專城百舍遙書紙
如雲詩叩玉數憑疾翼度青霄

何濟川有書見貽云以親老須守遠郡以便祿養不

司馬文正公集

卷五十二律詩

十

得如光在主人幕下因以詩答

千騎駸駸簇畫軸高旌大蓋五驂騶齋中酒美連翩醉湖
上花繁爛熳遊鷄犬相聞通故里旨甘不絕奉晨羞只應
朝夕平津閣得向君前立勝籌

奉和始平公喜聞昌言修注

鳳口除書下九閣簪紳拭目仰殊恩曉提麟筆依華蓋日
就螭坳記聖言桃李新陰方藹藹驂騶老志更軒軒主人
喜見相如達趣召鄒枚洗玉樽

光與昌言俱出始平公門下昌言時年五十

秋雨蕭條聞宗聖案伎應之飲酒詩呈宜甫

寒風細雨未晴天密似輕塵薄似煙一室獨吟圖史亂四鄰
高會綺羅鮮鴈飛斜柱絃隨指蟹薦新螯酒滿船自笑
不歌仍不飲昏昏只解枕肱眠

和聶之美重遊東郡二首

躍馬津亭未幾何宦遊容易十年過飄飄空似隨流梗寂
寞猶爲挂壁梭西嶺應餘當日翠南湖真減幾分波

之美云南

浦比舊水
涸過半

輸君尚得飛征蓋重向春園聽舊歌

贈吳之才

勝冠自立艱難裏大器由來貴晚成松栢儻非生磊落巖
司馬文正公集

卷五十二律詩

十一

崖何易出崢嶸蘇秦遊困羞妻嫂主父居貧厭弟兄六印
佗年擁車騎會須重過洛陽城

寒食許昌道中寄幕府諸君

原上烟蕪淡復濃寂寥佳節思無窮竹林近水半邊綠桃
樹連村一片紅盡日解鞍山店雨晚天回首酒旗風遙知
幕府清明飲應笑驅馳逆旅中

送王太祝豫知伊闕

百里驩迎新令賢儒經吏術盡家傳天開嶺阜竦雙闕地
維桑麻隘一川錦雉馴飛春陌上雪鳧高去夕嵐邊長才

久屈君無限所惜斯民受賜偏

奉和始平公憶東平

相印東臨汶水陽兩看春葉與秋霜登山置酒延鄒湛上
馬回鞭問葛強谿竹低垂寒滴翠露荷相倚淨交香宵衣
深念長城固肯得從容傲醉鄉

二

千巖秀色擁晴川萬頃波光上下天委地魚鹽隨處市蔽
空桑柘不容田訟庭虛靜官曹樂儒服寬長邑里賢不爲
從知方負羽獨乘魚艇老風煙

司馬文正公集

卷五十二律詩

十一

和連使舍人北園餞別行憇三交僧舍冒雪宿百井

關見寄

驪駒北上雪孱顏矚矢前驅度漢關僧室松杉青照眼驛
亭烟火迥依山馬銜邊草枯猶瘦鴈怯胡雲冷未還賤子
不須回首問鬢毛蕭颯簿書間

留別逢吉

君念承明臭味稀相逢惜別重依依會稽太守方坐嘯東

郭先生還步歸

嚴助朱買臣皆爲會稽守東郭先生孝武時待詔公車

樂飲林塘留

節物餞行里舍動光輝雙旌迴去行人發一帶長臯烟雨

田橫墓 在偃師西

昔時南面並稱孤今日還為絳灌徒
忍死祇能添屈辱偷生不足愛
須臾一朝從殉傾羣客千古生風激懦夫
豈使強顏臣漢帝韓彭未必免同誅

次韻和韓子華寒食休沐與諸公同會趙令園暮歸
馬上偶成

冠蓋連翩陌上來風光爛熳擁樓臺
玉卮貯酒隨宜飲綺席尋花觸處開
小雨前宵先潑火春季春明日又吹灰
須知司馬文正公集 卷五十二 律詩
勝集人間少惆悵金羈容易廻

三

蘇才翁子美有贈扶溝白鶴觀黃道士詩紀于屋壁
歲久漫滅今縣宰周同年得完本于民間抵子求
詩

潦倒黃冠無足論白頭嗜酒住荒村
狂名偶為留詩著陳迹仍因好事存
金石鏘洋虛殿寂龍蛇灑落古墻昏
飛黃滅沒浮雲外瘦馬何能望駿奔

和景仁瓊林席上偶成

時康與禹玉景仁次道之子同時登科在席

念昔瓊林賜宴歸綵衣綠綬正相宜
將雛雖復慰心喜負

米翻成觸目悲，殿角花猶紅。勝火樽前髮自白，如絲桂林
衰朽何須恨，幸有新枝續舊枝。

和吳仲庶寄吳英比部安道之子壯年致政歸隱蘄

春

負米承親顏已賒

遭母憂服除遂致仕

恥隨鷄鶩逐泥沙，一朝投絨

真高士，萬卷藏書舊世家。齒髮未衰非藥物，山林不返爲
雲霞。龐眉尚有郎潛者，狗祿憂生真可嗟。

初到洛中書懷

一十餘年西復東，勞生薄宦等飛蓬。所存舊業惟清白，不

司馬文正公集

卷五十二律詩

十四

負明君有樸忠，早避喧煩真得策。未逢危辱好收功，太平
觸處農桑滿。羸取問閭鶴髮翁。

和邵堯夫秋霽登石閣

飛簷危檻出林端，王屋嵩丘咫尺間。獨愛高明遊佛閣，豈
知憂喜滿塵寰。日窮莽蒼纖毫盡，身得逍遙萬象閒。暇日
登臨無厭數，悲風殘葉已珊珊。

先生冬夏俱不出

和邵堯夫年老逢春

年老逢春春莫哈，朱顏不肯似春回。酒因多病無心醉，花
不解愁隨意開。荒徑倦遊從碧草，空庭慵掃自蒼苔。相逢

談笑猶能在坐待牽車陌上來

和范景仁謝寄西遊行記二首

洛川秦野鬱相望風物山河舊帝鄉澗底逢人問樵徑松

間繫馬宿僧房恨無同好攜三雅共解前聞醉百場

李白詩痛

掃鸚鵡洲與君醉百場歷遍勝遊翻悵望日邊回首遠煙蒼

二

八水三川路渺茫翠微深處白雲鄉目眈懶拭如松液領
髮頰抓似栗房林壑不嫌無用物形骸難入少年場綠苔
躡蔓知多少千里歸來屐齒蒼

司馬文正公集

卷五十二 律詩

五

再和邵堯夫年老逢春

年老逢春猶解狂行歌南陌上東岡晴雲高鳥各自得白
日遊絲相與長草色無情盡眼綠花林多思襲人香吾儕
幸免簪裾累痛飲閑吟樂未央

又和來韻

年老逢春無用驚對花弄筆眼猶明不嫌貧舍舊來鷲喚
起醉眠何處鷲一僕相隨巾幅出羣童聚看小車行人間
萬事都捐去莫遣育中氣不平

和邵堯夫安樂窩中職事吟

靈臺無事日休休安樂由來不外求
細雨寒風宜獨坐暖天佳景卽閒遊
松篁亦足開青眼桃李何妨插白頭
我以著書爲職業爲君偷暇上高樓

司馬文正公集

卷五十二律詩

六

淦水喬人傑莫三重詩

七言律詩

獲澤張 誌心鑄

和景仁卜居許下

景仁頃見許居洛今而背之故詩中頗致其怨

壯齒相知約歲寒索居今日鬢俱班拂衣已解虞卿印築室何須謝傅山許下田園雖有素洛中花卉足供閑他年決意歸何處便見交情厚薄間

奉同運使陳殿丞

知儉字公廡

惜洛陽牡丹為霜風所損

名花多種欲紛敷一夕風霜非所虞節物偶然何足道人

司馬文正公集

卷五十三 七言律詩

十一

情遺恨不能無飄飄健筆詩千首惆悵東風酒百壺縱使前春滿朱檻使車那復滯西都

還陳殿丞原人論

宗密所撰破自然破元氣破天命明佛性

品物芸芸遊太虛不知誰氏宰洪爐一株花落分榮辱萬竅風號見有無覺後共占猶是夢衣中所得亦非珠何如鼓瑟浴沂水春服成時詠舞雩

和王秀才

虞仲字道齊

以光始自陝右遊山歸復將登少

室為詩見寄

瘦馬飄飄屢往還疲勞專為訪名山須知筋力行將老漸

恐峯巒不可攀蠟屐早能尋勝概彈冠悔更落塵寰幸依
賢者爲東道大得逍遙水石間

和景仁西湖泛舟

滿船歌吹拂春灣天外晴霞水底斑誰信飛觴臨綺席獨
能回首望青山東門車馬匆匆別西洛風煙寂寂閑疊石
溪頭應更好却輸野叟坐林間

新買疊石溪莊再用前韻招景仁

一溪清水珮聲寒兩岸莓苔錦繡斑三徑誰來卜鄰舍千
峯我已作家山鹿裘藜杖偏宜老紫陌紅塵不稱閑早挈
司馬文正公集 卷五十三 七言律詩 二
琴書遠相就放歌爛醉白雲間

和宇文公南塗中見寄

驄馬烏紗遊洛塵未能全得自繇身深慙白首戀微祿不
向青山爲散人斥鷃卑飛聊取適冥鴻高舉益難親蜀都
迢遞千餘里徒誦新詩妙入神

和王少卿

尙恭字汝之

十日與留臺國子監崇福宮諸官

赴王尹賞菊之會

儒衣武弁聚華軒盡是西都冷落官莫嘆黃花過佳節且
將素髮共清歡紅牙板急絃聲咽白玉舟橫酒量寬青眼

主公情不薄一時省闈要人看

和白都官

片見贈

齒疎鬢白兩眸昏萬事無堪老病身脫粟猶霑太倉祿法
官仍忝外臺臣直緣迂僻求閑地豈是孤高慕古人英俊
滿朝皆稷契太山何必一飛塵

酬邵堯夫見示安樂窩中打乖吟

安樂窩中自在身猶嫌名字落紅塵醉吟終日不知老經
史滿堂誰道貧長掩柴荆避寒暑只將花卉記冬春料非
空處打乖客乃是清朝避世人

司馬文正公集

卷五十三 七言律詩

三

和邠守宋度支廼來卜居與南園爲鄰

弱冠交遊鬢髮蒼飽諳官况好深藏閑居共買一壥地盡
老常依數仞牆雖喜卜鄰同晏子尙慙推宅異周郎何時
稅此馮熊駕倚杖相迎立路傍

和君貺少林寺

達摩自云傳佛心緒言迷世到于今旣携隻履歸西域安
得遺靈在少林孤月正明高殿冷清風不斷老松深謝公
自愛山泉美肯爲幽禪此訪尋

嵩峯遠疊千重雪伊蒲低臨一片天百頃平臯連別館兩
行疎柳拂清泉國須柱石扶丕構人待樓航濟巨川蕭相
方如左右手且於窮僻置閑田

和君貺任少師園賞梅

寒壓春頭草未芽喜聞置酒賞新葩官儀赫奕三川守野
意蕭疎四皓家不用管絃妨淡泊豈容桃李競繁華昏鴉
散亂傳呼出歸路林間燭影斜

二

風日雖寒晝景長探春遠訪白蓮莊岸冰猶在水先綠柳
司馬文正公集

卷五十三 七言律詩

四

葉未生條已黃老木根侵苔徑窄新梅花入酒卮香天真
不必人修飾得趣勿嫌臺館荒

和公廡喜雪

用莊字韻

曩來河洛久愆陽禱祀徒勞罄蕭莊林雪飛花欣暫白麥
田濡葉未全黃城中稍覺桑薪貴村外時聞社甕香八使
孜孜憫惻獨斯民那復畏凶荒

和史誠之謝送張明叔梅臺三種梅花

別後相驚兩鬢霜可憐梅蘂爲誰芳臺頭日暖分三色林
下風清共一香正爛熳時遊不足忽離披去樂難常感慕

手折遙相贈不欲花前獨舉觴

和國子夏主簿李花

有章

儒宮岑寂覺春閑仙李繁花重壓欄碎錦不飛蒙樹合素
雲歛亞舉枝難能詩此日當推謝捧賜他年足繼桓更約
雕盤薦秋實豈徒穠艷一朝看

和君貺寄河陽侍中牡丹

眞宰無私嫗煦同落花何事占全功山河勢勝帝王宅寒
暑氣和天地中盡日玉盤堆秀色滿城繡轂走香風謝公
高興看春物倍憶清伊與碧嵩

司馬文正公集

卷五十三 七言律詩

五

又和安國寺及諸園賞牡丹

洛邑牡丹天下最西南土沃得春多一城奇品推安國四
面名園接月波山相著書稱上藥翰林弄筆作新歌人間
朱粉無因學浪把菱花百徧磨

酬仲通初提舉崇福宮見寄

富壽安民舊學違符移擁筆素心非青雲有路那足顧白
髮滿頭胡不歸永日杜門無俗客臨風隱几得天機西山
爽氣秋應好恨不相從上翠微

去春與景仁同至河陽謁晦叔館於府之後園既去

晦叔名其館曰禮賢夢得作詩以紀其事光雖愧
其名亦作詩以繼之

蓬飛輓繫十餘年並蔭華榭出偶然郭隗金臺雖見禮華
歆龍尾豈能賢浮雲世味閑尤薄寒栢交情老更堅明日
河梁卽分首人生樂事信難全

與王樂道約會超化寺比至樂道以疾先歸塗中有
詩見寄

顛毛種種齒浮搖屈指交遊漸寂寥時較半朝非是晚路
無數里不爲遙子猷垂到復歸去安道雖知未易邀古寺
徘徊久東望青春雲日冷蕭蕭

司馬文正公集

卷五十二

七言律詩

六一

和王樂道再以詩見寄

諫垣簪筆接英遊今日華顛昔日憂邂逅升沉皆是命道
遙出處本無愁衡門不羨金門貴藿食焉知肉食謀溟海
榆枋各安分蓬萊未必勝嵩正

酬宋叔達

道復古之兄

卜居洛城見寄

離群四十一春風縱有相逢似夢中幸得相逢作鄰舍但
嗟彼此是衰翁漢文前席人將去

復古謫官不日牽復

庾信誅茅臺

未充

來詩云自笑顛狂更歸去意無穿繫買山錢

悵望金隄碧蕪澗杖藜攜手

和吳辨叔知鳳翔見寄

岐陽府舍始相逢四十餘春屈指中昔日布衣今露冕當時小吏亦衰翁醉吟久作藏身計條教應多及物功惟是綵衣難再著長林極目起悲風

和劉伯壽陪潞公禊飲

旌幢車騎滿沙頭鼓吹喧繁盡鷁浮十里羅紈光照地千家簾幕遠臨流觴隨洛水周公事月映鳳樓裴相遊令典久墮火規切今更舉行聞美俗徧中州

司馬文正公集

卷五十三

七言律詩

七

題傳燈錄後

呶著聲聞酒便狂他州浪走不歸鄉誰曾縛汝安用解彼自無創勿誤傷探月拾針傳妄語安居暇食賴先王但令時世如三代達摩從他面向牆

獨樂園新春

春風與汝不相關何事潛來入我園曲沼揉藍通底綠新梅翦綵壓枝繁短莎乍見殊堪喜鳴鳥初聞未覺喧憑仗東君徐按轡旋添花卉伴芳樽

和潞公真率會詩

洛下衣冠愛惜春相從小飲任天真隨家所有自可樂爲
具更微誰笑貧不待珍羞方下箸只將佳景便娛賓庾公
此興知非淺蒸藿終難繼主人

景仁書云去冬困酒病耳病牙遂不入洛以詩寄呈
許昌携手盡時英况復新開甲第成醉裏都將春作達老
來不向酒藏情齒疎無廢銜盃趣耳病猶分度曲聲舊友
昔遊渾忘却可憐寂寂洛陽城

又云新鑄黼斛與今太府寺尺及權衡若合符契復

次前韻

司馬文正公集

卷五十三

七言律詩

八

裁筩累黍久研精况復新修黼斛成豈校忽微爭口語本
期淳古變人情旣言樂律符今尺但恐籥韶似鄭聲若欲
世人俱信服鳳凰再集潁川城

其夕宿獨樂園詰朝將歸賦詩

平曉何人汲井華輓轡聲發散春鷄開園更有四五日映
葉尙餘三兩花宿病岑岑猶帶酒無眠耿耿不禁平茶自

嫌行樂妨年少遽索籃輿且向家

和邵興宗秋夜學舍宿直

直舍逍遙度清夜斲投逢掖解儒冠高樓影背星河轉疎

竹氣兼風露寒籬下黃花新藥亂門邊碧柳舊株殘折腰
把板今無有勿似陶潛遂棄官

月下小飲

美景賞心相值難良宵四座盡儒冠月華過冷衣襟潤酒
力易消樽俎寒自有笑談供逸氣不須絲竹借餘歡坊樓
五鼓欲催曙桂影長先高興闌

和子駿洛中書事

西都自古繁華地冠蓋優游萃五方比戶清風人種竹滿
川濃綠土宜桑鑿龍山斷開天闕導洛波回載羽觴况有
司馬文正公集
卷五十三
七言律詩
九
耆英詩酒樂問君何處不如唐

明日雨止復招子駿堯夫遊南園

昨朝洛北阻遊陪惆悵中橋半醉回潑火既經寒食雨解
醒須撥凍醪醅

詩傳曰春酒凍醪也

遙思花寨交橫錦未分春心斗
頓灰更與二三頭白友試携薄具上高臺

和子華應天院行香歸過洛川

印節傳呼洛北還府庭無訟不妨閑度橋寒色侵春眼按
轡晴光露曉山香穗徘徊迎寶殿花籃繁會滿通闕自知
白雪高難和忍愧誰能寄我顏

和伯常自郢州見寄

西郊去歲揖行人柳暗花濃又一春坐想高風清入骨沉
吟佳句健生神潺湲香靄煙波右

來書云郢西兩
多潺湲香靄

散誕逍

遙興趣新應笑洛陽車馬道緇衣未免化紅塵

和子華喜潞公入覲歸置酒遊諸園賞牡丹

介圭成禮下中天春物雖闌色尙妍園吏望塵皆闔戶肩
輿回步卽開筵波濤凌亂鞞旁錦風雨縱橫撥底絃洛邑
衣冠陪後乘尋花載酒願年年

和吳朝議

執中字
幾聖

同年謝光與景仁同年見過

司馬文正公集

卷五十三

七言律詩

十

結綬東堂同發策白頭相值益相親却思景祐無多日共
見元豐有幾人天下高名歸廣受

二公皆
致仕

古來交道重雷

陳謝公身老才方壯落筆成章字字新

伏蒙留守相公賜示陪太師潞公東田宴集詩輒敢

屬和

舞雩新雨泱公田水滿東溪上下天行徑年邁初見筍浮
舟正好未生蓮絃收裂帛胡琴闌袖結清風楚舞妍相國
火城光滿路夜歸不假玉蟾圓

和子華招潞公暑飲

朱門近在府園東，杖屨過從跬步中。避暑連翩投轄宴，析
醒蕭灑滿襟風。閑來高韻渾如鶴，醉裏朱顏却變童。翦燭
添香歡未極，但驚銅漏太匆匆。

再和伯常見寄

誅茅宋玉宅邊人，知醉宜城幾甕春。細雨短簑漁向市，孤
村極浦鼓迎神。徧遊七澤身忘倦，更賦千篇意轉新。不必
滄浪羨清泚，鼎來纓上已無塵。

和留守相公九月八日與潞公宴趙令園有懷去年

與景仁秉國遊賞

司馬文正公集

卷五十三

七言律詩

十一

今歲台星聚洛中，甘棠前後雨陰濃。英辭唱和詩千首，高
宴遊陪祿萬鍾。木末霜繁花未落，雲間字小雁相從。西湖
在望親朋遠，節物那堪處處逢。

和張伯常賀遷資政

不駕使車開漢關，相如不棲巖穴鍊金丹。子微豈無開徑三人

友，分著垂綫五寸冠。情遊之士坐飽太倉猶自愧，謬躋祕殿益

難安。願同野老嬉堯壤，長守先生苜蓿盤。

又和南園真率會見贈

白頭難入少年場，林下相招莫笑狂。綠篠影侵碁局暗，黃

樽花漬酒卮香任真自愧殺羞薄假寐初便枕簟涼酬應
詩豪困牽率從來懶放似嵇康

送朱校理

宋字廉叔知濰州

東國連年水傷稼使君到部卽行春茫茫四野潢汗竭鬱
鬱萬行桑柘新俗不好奢田器貴獄無留繫吏家貧齊人
勿怨歸朝速自是承明侍從臣

送冲卿通判河中府

校理吳充

聞道名都行有期依然想見昔遊時寒光一曲秋河轉翠
嶺三條夕照移孤竹舊風民有讓重華餘教俗無疵不須

司馬文正公集

卷五十三

七言律詩

五

到日方登歷已在君家十二詩

送沈寺丞

紳字公儀

知南昌縣

長江湛湛帶楓林古木寒雲縣寺深老吏不能容狡獪細
民無復有寃侵洪崖丹井聞猶在徐孺衡門說可尋寧復
淹留如寶劍更令牛斗氣沉沉

送茹屯田

孝標

知無爲軍

疊鼓鳴鏡迎候新軍牙子子倚淮津聊應衣繡過鄉曲不
作引章驚故人荻迸短芽淝水暖荷浮圓葉渙湖春使君
此去榮多少猶是當年書劍身

送張秘校牧知分寧獻臣父

百里大夫官不輕莫嗟領上髮垂星人生穀祿偏宜晚世
路艱難不厭經數曲秋江縈縣白幾峯霽色入簾青于公
嚮日多陰德已有鴛雛在帝庭

送楊秘丞秉通判揚州

昔聞小杜說揚都當日豪華今在無江勢橫來控南楚地
形前下瞰東吳萬商落日船交尾一市春風酒並壚得意
莫忘京國友蹋塵衝雪奉朝趨

送光祿王卿周致仕歸荆南

司馬文正公集卷五十三 七言律詩
九列誰云非顯塗人生已不負爲儒拂衣長揖夔龍貴散
髮還爲黃綺徒白鶴歸飛心自遠青霞高舉勢何孤千金
盡與鄉人費不向江頭買木奴

送仲更歸澤州

太行橫擁巨川回三晉由來產異才展墓乘春走鄉陌負
書拂曉下蘭臺河陽路側花應合天井關頭雪未開會使
鄉人驚六印莫羞今日敝裘來

送晁校理仲衍字子長知懷州

雞犬相聞桑柘春風光明潤帝鄉鄰羣峯斜轉太行角薦

谷同趨馬頰津簪組傾都邀別袂壺漿滿路候行塵非君
厭薄承明直天子方今重治人

送李侍郎東之西京留臺

先公勲烈盛鹽梅清白如聞世濟才華省拂衣辭簿領長
衢回首謝塵埃嵩峯排戶依稀出洛水迎人迺邇來寄語
馬前頭白吏何殊昔日李西臺

送致仕朱郎中令孫

世間榮利無窮物奔走勞勞何所之仕宦爲郎非不達功
名有命待無時橐中雖乏千金直膝下常攜兩綬兒細校
司馬文正公集卷五十三 七言律詩 古
人生能此少好從閭里樂期頤

長安送李堯夫同年

昔歲瓊林花氣曛今朝長樂柳梢春事隨流水滔滔度鬢
結繁霜戢戢新世路飽諳都是夢人生可貴莫如身會須
築室臨清洛相與攜筇戴葛巾

送白都官歸長安

丈夫那肯浪低眉薄宦空添鬢裏絲瀘水歸來山浩蕩都
門辭去菊離披黃雞白酒五陵樂杜曲樊川九穀宜復見
夫君行直道崆峒氣俗未應衰

送齊學士

廉字公闢

知荆南

漢家太守治才高，楚國山川氣象豪。
旗旆逶迤蟠夢澤，樓船鼉虓壓江濤。
雄名誰復知宣武，遺愛猶應祀叔敖。
何必三年求奏計，詔書朝夕賜金褒。

和李八丈小雪同會有懷鄰幾

天祿淹回德齒尊，鬢留汾曲兩朱轡。
閑軒坐嘯正飛雪，同舍倦游來及門。
空嘆高歌如郢客，愧無佳賦似文園。
坐中猶欠鄰幾在，深負棊枰與酒樽。

司馬文正公集

卷五十二

七言律詩

五

10145

司馬文正公集卷之五十三終

